



CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E A ASOCIACIÓN ÁREA EMPRESARIAL DO TAMBRE PARA O IMPULSO DO POLO DA SIONLLLA

Covadonga Toca Carús, nome e representación do Instituto Galego de Promoción Económica (en adiante, Igape), co NIF Q6550010J e domicilio social en Edificio Igape, Complexo Administrativo San Lázaro, s/n, 15707 Santiago de Compostela, na súa calidade de directora xeral. Está facultada para este acto en virtude da delegación de facultades recollida na Resolución do 17 de outubro de 2023 (DOG núm. 203, do 25 de outubro de 2023).

José Fernández Albores, con DNI n.º 33212779C, como presidente da Asociación Área Empresarial do Tambre (en adiante, a Asociación), con dirección social no Polígono Industrial do Tambre, Centro Empresarial do Tambre, Vía Edison, 1 e NIF G-15037112, actuando en nome e representación desta entidade en virtude do certificado emitido con data 14 de xullo de 2025 polo Servizo de Apoio ao Emprego, Relacións Laborais, Traballo Autónomo e Economía Social (Departamento Territorial de A Coruña) da Consellería e Emprego, Comercio e Emigración, inscrita no Rexistro de Asociacións co Número 15000030.

Ambas partes recoñécense mutuamente a capacidade para formalizar o presente convenio e, por isto,

EXPOÑEN

PRIMEIRO. O Igape, creado pola Lei 5/1992, do 10 de xuño, é un ente de dereito público adscrito á Consellería de Economía e Industria polo Decreto 49/2024, do 22 de abril. Configúrase como un instrumento básico de actuación da Xunta de Galicia para o impulso do desenvolvemento competitivo do sistema produtivo galego, promovendo actividades que contribúan á creación de emprego baseado nun tecido empresarial moderno, internacionalizado e competitivo.

Entre as funcións encomendadas ao Igape virtude do disposto no artigo 4 da súa lei de creación, están as de promover a creación de empresas nos distintos sectores de actividade económica que teñan maior impacto e vantaxes comparativas para o desenvolvemento da economía galega, favorecer a modernización e innovación tecnolóxica e organizativa das empresas galegas, proporcionar información sobre os mercados e favorecer o desenvolvemento das exportacións e acordos con empresas estranxeiras, así como apoiar e promover calquera tipo de actividades que contribúan á mellora do sistema produtivo de Galicia, especialmente as de maior importancia estratéxica.

O avance tecnolóxico e o desenvolvemento do tecido empresarial galego é un dos eixos prioritarios de actuación dentro da política económica da Xunta de Galicia de cara a mellorar a súa competitividade e acadar o crecemento económico. Unha aposta que se plasma na Estratexia da Xunta de Galicia de Competitividade.

SEGUNDO. A Asociación Área Empresarial do Tambre constituíuse en Santiago de Compostela e presentou os seus estatutos para a súa inscrición ante a Consellería de Traballo o 27 de marzo de 2017. Dende entón, permaneceu en actividade de forma ininterrompida, rexéndose en réxime de autonomía económico-administrativa. Como asociación, réxese pola Lei Orgánica 1/2002, do 22 de marzo, reguladora do dereito de asociación, así como polos seus propios estatutos.

Entre os seus principais fins atópanse as seguintes:

- Orientar e desenvolver toda clase de iniciativas que podan redundar nas empresas do Polígono.
- Establecer en colaboración cos organismos oficiais servizos de uso común para todas as empresas do Polígono que podan mellorar as condicións das empresas nel situadas.





- Programar, desenvolver e executar accións formativas.

Para o cumprimento dos seus obxectivos estatutarios, e tendo en conta a necesidade de sumarse a sectores industriais xa punteiros actualmente e con evidentes expectativas de crecemento nun futuro inmediato, a Asociación colabora con outras entidades e empresas en ámbitos diversos e singularmente no da biotecnoloxía, destacando, neste ámbito, a coparticipación coa Cámara de Comercio, Industria e Navegación de Santiago e diversas empresas da área empresarial, no proxecto do polo de innovación en Biotecnoloxía ao que se refire o apartado seguinte.

TERCEIRO. O obxectivo principal do Igape e a Asociación é impulsar e optimizar o desenvolvemento empresarial do Polo da Sionlla, dando un novo enfoque ao mesmo, orientado cara a captación de empresas ligadas ao desenvolvemento tecnolóxico.

En particular, o Biopolo Sionlla– Polo Biotecnolóxico de Galicia, é un proxecto que pon de manifesto o compromiso de Galicia coa industria e coa habilitación de espazos “únicos” tanto para a atracción de talento como para o crecemento e a consolidación empresarial.

Neste sentido, o Polo vertebrará a industrialización dun sector en auxe, facilitando a investigación tecnolóxica e o asentamento de empresas, e a resposta ás necesidades das compañías punteiras que desenvolven investigación en sectores tan importantes como a investigación oncolóxica ou a investigación no sector gandeiro.

O biopolo da Sionlla conforma un espazo que facilita o desenvolvemento para que as empresas biotecnolóxicas, teñan garantida a implantación dun proxecto integral, facilitando as súas sinerxías, e estratexicamente situado, ao carón do coñecido como ligazón orbital que conecta coa AP9 e a autovía que conecta co aeroporto.

CUARTO. Tendo en conta todo o anteriormente exposto, é evidente que promover e atraer ao Polo potenciais clientes estratéxicos, resulta de extraordinario interese para a Comunidade Autónoma. Isto débese tanto á súa capacidade de xerar negocio directo, senón tamén para outros sectores vinculados. En consecuencia, o obxecto do convenio responde, a fins de interese público e estratéxico coincidentes.

En consecuencia, ambas as dúas partes acordan subscribir o presente convenio de conformidade coas seguintes,

CLÁUSULAS

PRIMEIRA. OBXECTO

O obxecto deste convenio é o impulso ao Polo de Innovación en Biotecnoloxía (BioPolo), e que integrará aspectos como:

- O posicionamento do Biopolo como infraestrutura de referencia para Universidades, Fundacións Hospitalarias/sanitarias, Centros Tecnolóxicos, Clústeres.
- Viabilizar o asentamento de empresas no BioPolo.
- Creación dunha xanela única para a tramitación de axudas e bonificacións.
- A asistencia a eventos internacionais de biotecnoloxía.
- Apoio á infraestrutura administrativa para a xestión do programa.
- A organización e coordinación de reunións entre as empresas presentes e potenciais, así como a promoción da visibilidade institucional do Proxecto.

A través do presente convenio, a Asociación comprométese a executar as seguintes actuacións:





1. **Posta en marcha dunha Oficina Técnica e de xestión:** para o impulso e seguimento de todos os aspectos do proxecto, dende a cal se desenvolverá a estratexia para dinamizar de xeito inmediato e posicionar o Biopolo da Sionlla como polo de referencia.
2. **Deseño dun Espazo para os encontros empresariais,** de distintas empresas, en particular, as do eido da biotecnoloxía, e coa participación do Igape.
3. **Realización de informes de seguimento:** sobre as reunións celebradas, incluíndo a valoración das empresas coas que se reuniron, dando conta dos mesmos ao Igape.
4. **Visibilización institucional:** para reforzar a presenza do Igape neste espazo: notas de prensa compartidas co Igape, que se difundirán en redes sociais a través do Igape. Tamén se mencionará a participación do Igape nas redes sociais oficiais da Asociación e Biopolo.

SEGUNDA. XUSTIFICACIÓN DA UTILIZACIÓN DA FIGURA DO CONVENIO

Motívase a utilización da figura do convenio pola especificidade da Asociación da Área Empresarial do Tambre, unha asociación sen ánimo de lucro que agrupa actualmente 321 empresas e entidades vinculadas ao sector.

A relevancia estratéxica e o seu impacto no tecido empresarial e económico xustifican a necesidade de colaboración a través deste convenio.

Por outra parte, as actividades previstas no convenio están plenamente aliñadas coas finalidades da Asociación. A súa capacidade para representar ás iniciativas empresariais, e propietarios de solo fai que sexa o interlocutor idóneo para garantir:

- Unha colaboración eficaz e adaptada ás necesidades do sector.
- A máxima difusión e impacto das accións desenvolvidas.
- Aproveitamento óptimo da presenza de representantes de empresas punteiras neste proxecto.

Cómpre ademais engadir que o Biopolo é o único das súas características existente en Galicia e está ubicado na área de implantación da Asociación, co que o presente convenio de colaboración se revélase novamente, como a canle idónea para executar as actuacións de interese público perseguidas, favorecendo a execución inmediata do convenio.

Neste contexto, xustifícase a dificultade de promover un proceso de concorrencia pública, xa que a colaboración coa Asociación permite ao Igape beneficiarse dunha relación áxil, eficiente e plenamente adaptada ás necesidades do sector. Ademais, esta colaboración garante vantaxes estratéxicas e sinerxías que dificilmente poderían alcanzarse mediante outro tipo de relación.

Finalmente, mediante este convenio o Igape expón un marco de colaboración no que une as dúas experiencias e eidos de competencias de cadaquén para conseguir un fin común como é o de promover e optimizar o Biopolo Sionlla– Polo Biotecnolóxico de Galicia, proporcionando un punto de encontro, que se constitúe como unha canle axeitada, rigorosa e segura a través da colaboración leal e profesional entre os asinantes.

É esta idea de colaboración na consecución do fin común é a que fundamenta a subscripción deste instrumento.

TERCEIRA. FINANCIAMENTO

O orzamento estimado para a execución das actuacións previstas no convenio é de cen mil euros (100.000,00 €) que se distribúen do seguinte xeito:

Actuacións previstas	Orzamento total
Gastos de oficina técnica	56.000,00€





Actuacións previstas	Orzamento total
Espazos	15.000,00€
Gastos de persoal	15.000,00€
Visibilidade institucional	14.000,00€
Total	100.000,00 €

O Igape asumirá o máximo de cen mil euros (100.000,00 €) con cargo á aplicación orzamentaria 09.A1.741A.640.0 dos orzamentos xerais da Comunidade Autónoma Galega para o ano 2025.

A Asociación levará a cabo unha achega de quince mil 15.000,00 euros (15.000,00€) que se corresponden a gastos operativos que se aplicarán nos apartados de:

- Funcionamento interno de persoal: gastos de persoal.
- Gastos xerais operativos.
- Gastos directamente vencellados ás actividades obxecto do convenio, por exemplo, visibilidade institucional.

Non se entenderá incumplida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no orzamento estimado nesta cláusula, cando obedezan a razóns xustificadas e as actuacións que se leven a cabo garden relación directa co obxecto do presente convenio e se compensen uns conceptos con outros.

CUARTA. OBRIGAS DAS PARTES

1. A Asociación queda obrigada á realización do obxecto do presente convenio e a realizar todas as actividades precisas para que as actuacións do convenio se executen correctamente, comprometéndose a:

- Desenvolver actuacións previstas na cláusula primeira deste convenio, achegando para tal efecto quince mil 15.000,00 euros (15.000,00€).
- Xustificar a totalidade das achegas ao convenio a través de gastos atendibles segundo a cláusula terceira do convenio.
- Organizar as actividades do convenio en estreita colaboración co Igape.
- Someterse á inspección e control do Igape co obxecto de supervisar o cumprimento das actividades previstas no convenio e que permitan a esta a súa xustificación financeira.
- Cumprir as normas sobre confidencialidade de datos previstas na Lei orgánica 3/2018, do 5 de decembro, de protección de datos persoais e garantía dos dereitos dixitais.
- Captación de asistentes para as actividades programadas.
- Asumir o compromiso de difundir o financiamento do Igape en todo tipo de publicidade, información e material relativo á execución das actividades deste convenio, con suxeición ás normas da súa imaxe corporativa.
- Achegar a información que lle sexa requirida pola Intervención Xeral da Comunidade Autónoma, o Consello de Contas e o Tribunal de Contas no exercicio das súas funcións de e control do destino dos gastos.
- Someter á aprobación do Igape calquera cuestión relevante antes de levar a cabo as actividades. Este proceso de proposta e visto bo levarase a cabo a través da Comisión de Seguimento do convenio.

2. O Igape comprométese a:

- Colaborar no financiamento do custo das actuacións previstas a través da concesión dunha achega por importe máximo de cen mil euros (100.000,00 €).
- Apoiar e colaborar na organización das accións previstas neste convenio.





- Difundir todas as actividades a través das canles que considere adecuadas e oportunas, e que se acorden entre as partes asinantes.

QUINTA. GASTOS ATENDIBLES

1. Consideraranse gastos atendibles aqueles que, sen admitir dúbida, respondan á natureza das actividades e fins do convenio e que se realicen a partir da data de sinatura e ata o 1 de decembro de 2025.

En ningún caso o custo de adquisición dos gastos atendibles poderá ser superior ao valor de mercado.

En ningún caso se considerarán gastos atendibles os impostos indirectos, cando sexan susceptibles de recuperación ou compensación, nin os impostos persoais sobre a renda. O imposto sobre o valor engadido (IVE) poderase considerar gasto atendible cando a entidade beneficiaria acredite mediante unha declaración responsable que se encontra acollida ao réxime de exención, parcial ou total, do IVE, de xeito que este imposto supón un gasto real nas actuacións ao abeiro deste convenio, citando os artigos da lexislación aplicable que dan soporte a esa situación fiscal.

Serán atendibles os gastos relacionados coas actuacións recollidas na cláusula terceira sendo os gastos detallados os seguintes:

- Custos de persoal da Asociación, en base a nóminas pagadas e certificado de dedicación ao proxecto.
- Asesorías e deseños profesionais relacionados co obxecto do convenio.
- Gastos de publicidade, difusión e gabinete prensa.
- Consultoría ou asistencia técnica especializada.
- Gastos de promoción e difusión.

O listado non ten carácter exhaustivo.

2. No caso de adquisición de bens de equipamento, ou a contratación de servizos ou subministracións e materiais, cando o importe do gasto iguale ou supere os 15.000 euros máis IVE no global do proxecto para un mesmo proveedor, deberán achegarse un mínimo de tres ofertas de diferentes provedores, con carácter previo á contratación do compromiso para a prestación do servizo ou a entrega do ben, agás que polas súas especiais características dos gastos non exista no mercado suficiente número de entidades que os presten ou subministren. Estas excepcións deberán xustificarse. A elección entre as ofertas presentadas realizarase de conformidade con criterios de eficacia e economía e achegarase unha memoria xustificativa cando a elección non recaia na proposta económica máis vantaxosa.

3. Os gastos nos que incorra a Asociación serán compatibles con outras cantidades públicas ou privadas que puidese recibir, que deberán ser declaradas na liquidación do convenio (anexo I), e minorarán o importe total a achegar polo Igape na mesma porcentaxe que achega ao convenio.

SEXTA. XUSTIFICACIÓN E PAGAMENTO

1. O prazo de presentación da solicitude de pagamento no Igape comezará o día seguinte á finalización das actuacións indicadas na cláusula primeira e rematará o 10 de decembro de 2025.

2. A xustificación presentarase vía electrónica na oficina virtual do Igape na páxina <https://spiga-sede.igape.es> achegando as copias dixitalizadas da documentación que se relacionan a continuación. A Asociación responsabilizarase da veracidade dos documentos que presente.

3. A solicitude de pagamento virá acompañada da seguinte documentación:





- a) Informe/memoria xustificativa asinado e selado polo seu representante legal do cumprimento das condicións impostas neste convenio, con indicación das actividades levadas a cabo, dossier fotográfico, de ser o caso, e resultados obtidos.
 - b) Certificación dos gastos, segundo o modelo do Anexo I, facendo distinción entre: gastos de persoal, gastos de subministracións e servizos e outros.
 - c) Certificacións expedidas polas respectivas administracións públicas, que acrediten que se está ao corrente das obrigas tributarias e da Seguridade Social, así como a acreditación de non ter pendente de pagamento ningunha outra débeda, por ningún concepto, coa Administración Pública da Comunidade Autónoma ou autorización para que a Xerencia do Igape realice estas consultas polos seus propios medios, segundo o anexo I.
 - d) Declaración responsable asinada polo representante legal con poder suficiente, doutras axudas de carácter público ou privado para os mesmos gastos obxecto deste convenio ou, se é o caso, ausencia das mesmas, segundo o anexo I.
 - e) Declaración responsable da titularidade da conta bancaria onde se debe realizar o pagamento, segundo o anexo I.
 - f) No caso de estar exento do imposto sobre o valor engadido (IVE), documentación acreditativa da mencionada exención.
 - g) Ademais, e para xustificar a achega da Asociación ao presente convenio, relación, mediante documentos oficiais correspondentes tales como facturas, nóminas, etc., dos gastos propios incorridos para o desenvolvemento das distintas obrigas asumidas.
4. Todos os gastos computables deberán ser xustificados mediante transferencia bancaria, certificación bancaria orixinal ou extracto de pagamento. Non se admitirán os pagamentos en efectivo.
5. Será obrigatorio presentar tres orzamentos para todos aqueles gastos externos superiores a 15.000 € + IVE e xustificar a selección do provedor en caso de non ser o máis económico.
6. En todo caso, o Igape, resérvase o dereito de solicitar toda a documentación que considere precisa en relación coa realización das actuacións obxecto deste convenio, e calquera outra que estime oportuna para a correcta xustificación do gasto e o seu pagamento.
7. Procederá a minoración das contribucións cando as actuacións desenvolvidas e xustificadas o abeiro deste convenio non acaden os importes dos gastos xustificables e sempre que esta minoración non supoña unha realización deficiente do proxecto.
8. A Asociación manterá a disposición do Igape ou de calquera organismo público con capacidade de fiscalización da Comunidade Autónoma de Galicia, tales como Intervención Xeral, o Tribunal de Contas e o Consello de Contas, todos os xustificantes dos gastos e ingresos obtidos a fin dunha verificación *in situ*, ben por medios propios ou mediante auditor externo. O prazo para a comprobación material de facturas e xustificantes de gasto será de 5 anos desde a finalización do prazo de vixencia deste convenio.

SÉTIMA. VIXENCIA E CAUSAS DE RESOLUCIÓN

O presente convenio entrará en vigor o día da sinatura do mesmo e terá duración ata o 30 de decembro de 2025.

O convenio extinguirase polo cumprimento das actuacións que constitúen o seu obxecto ou por incorrer en causa de resolución.

Son causas de resolución:

- a) O transcurso do prazo de vixencia do convenio.
- b) O acordo unánime de todos os asinantes.
- c) O incumprimento das obrigas e compromisos asumidos por parte dalgún dos asinantes. Neste caso, calquera das partes poderá notificar á parte incumplidora un requirimento para que cumpra





nun prazo de 10 días hábiles coas obrigas ou compromisos que se consideren incumplidos. Este requirimento será comunicado tamén á Comisión de Seguimento do convenio. Se transcorrido o prazo indicado no requirimento persistira o incumprimento, a parte que o dirixiu notificará á outra parte asinante a concorrencia da causa de resolución e entenderase resolto o convenio.

d) Por decisión xudicial declaratoria da nulidade do convenio.

e) Por calquera outra causa distinta das anteriores prevista no convenio ou noutras leis.

Se cando concorra calquera das causas de resolución do convenio existen actuacións en curso de execución, as partes, a proposta da Comisión de Seguimento do convenio, poderán acordar a continuación e finalización das actuacións en curso que consideren oportunas, establecendo un prazo improrrogable para a súa finalización, transcorrido o cal deberá realizarse a súa liquidación.

OITAVA. COMISIÓN DE SEGUIMENTO

Coa finalidade de asegurar o cumprimento deste convenio, crearase unha Comisión de Seguimento de composición paritaria, que coordinará o seu desenvolvemento. Reunirase a petición dunha das partes, e actuará como órgano de vixilancia, seguimento e control do establecido neste convenio.

A citada comisión estará presidida por un dos representantes do Igape. En todo o non especificamente previsto sobre o funcionamento desta comisión, serán de aplicación as normas sobre órganos colexiados previstas na sección III, capítulo I, título I (artigos 15 e seguintes) da Lei 16/2010, de 17 de decembro, de organización e funcionamento da Administración xeral e do sector público autonómico de Galicia. A propia comisión, unha vez constituída, decidirá o réxime das súas reunións.

NOVENA. MODIFICACIÓNS

O presente convenio poderá ser obxecto de modificación cando teña como finalidade o logro dos obxectivos de estabilidade orzamentaria e sustentabilidade financeira. A devandita modificación terá por obxecto a redución do volume das obrigas.

Toda alteración que se realice referente ao contido deste convenio será proposta pola Comisión de Seguimento e deberá formalizarse na correspondente addenda.

DÉCIMA. PUBLICIDADE

De conformidade co artigo 15 da Lei 1/2016, do 18 de xaneiro, de transparencia e bo goberno e co previsto no Decreto 126/2006, do 20 de xullo, polo que se regula o Rexistro de Convenios da Xunta de Galicia, o Igape e a Consellería de Economía e Industria publicarán no *Diario Oficial de Galicia* e na súa páxina web oficial o importe da contribución económica ao amparo deste convenio e a entidade destinataria desta; e incluírá igualmente a referida contribución e as sancións que como consecuencia desta puidesen impoñerse nos correspondentes rexistros públicos, polo que a sinatura do convenio leva implícita a autorización para o tratamento necesario dos datos da entidade e a referida publicidade, así como a súa cesión por parte do Igape aos órganos competentes da a Consellería de Economía e Industria.

A Asociación deberá subministrar toda a información necesaria para que o Igape poida dar cumprimento ás obrigas previstas no Título I da Lei 1/2016, do 18 de xaneiro, de transparencia e bo goberno. As consecuencias do incumprimento desta obriga serán as establecidas no artigo 4.4 da citada lei.

As partes asinantes do convenio prestan o seu consentimento para que os seus datos persoais que consten no convenio, e mailo resto das especificacións contidas no mesmo, podan ser publicados no Portal da Transparencia e Goberno Aberto.

UNDÉCIMA. PROTECCIÓN DE DATOS DE CARATER PERSOAL





En virtude do disposto no artigo 26 do Regulamento (UE) 2016/679, xeral de protección de datos (RXPD) e na Lei orgánica 3/2018, do 5 de decembro, de protección de datos persoais e garantía dos dereitos dixitais (BOE nº 294, do 6 de decembro), se calquera das partes accede a datos de carácter persoal contidos en ficheiros titularidade da Asociación, adquiren a condición de encargados do tratamento e comprométese a:

- Non utilizar nin tratar datos de carácter persoal cunha finalidade distinta á execución do convenio, non comunicar os datos baixo ningún concepto a terceiras persoas, nin sequera para a súa conservación e, en especial, non reproducir, nin publicar, nin difundir ningunha información acerca dos datos.
- Garantir o cumprimento das medidas de seguridade establecidas, así como a súa correcta implementación.
- Ao termo da relación, por calquera causa, os datos de carácter persoal aos que tiveran acceso as restantes partes, deben ser destruídos ou devolverse á Asociación, incluíndo calquera soporte ou documento.

O incumprimento destas obrigas fai responder ás restantes partes das infraccións que cometa coma se ocupase a posición de responsable do tratamento.

O Igape responde fronte á Asociación do cumprimento destas obrigas polas persoas que na súa representación participen de calquera modo na execución do convenio.

DUODÉCIMA. RESPONSABILIDADE

A subscrición deste convenio non implicará relación laboral contractual ou de calquera outro tipo entre os profesionais ou entidades que vaian desenvolver as actuacións obxecto deste convenio e o Igape, de tal xeito que non se poderá esixir a este Instituto responsabilidade ningunha, nin directa nin subsidiariamente, polos actos ou feitos acaecidos no desenvolvemento do devandito convenio.

DÉCIMO TERCEIRA. AUTORIZACIÓNS

A asociación asinante consente expresamente a inclusión dos datos persoais e relevantes deste convenio nos rexistros públicos que proceda, de acordo co Decreto 126/2006, do 20 de xullo, polo que se regula o Rexistro de Convenios da Xunta de Galicia, así como poderá exercer os seus dereitos de acceso, rectificación, cancelación e oposición respecto do contido dos rexistros antes citados, ante a Dirección Xeral do Instituto Galego de Promoción Económica, sito no Complexo Administrativo de San Lázaro s/n, 15707 Santiago de Compostela, en aplicación do disposto no Decreto 126/2006.

Este consentimento esténdese á autorización para a cesión dos seus datos á entidade financeira na que se aboe o pagamento, ao *Diario Oficial de Galicia* e ás demais cesións previstas na lei.

Tamén comporta a autorización ao Igape para solicitar as certificacións que deban emitir a Axencia Estatal da Administración Tributaria, a Tesourería da Seguridade Social e a Consellería de Facenda e Administración Pública da Xunta de Galicia.

DÉCIMO CUARTA. NATUREZA E RESOLUCIÓN DE CONTROVERSIAS

O presente convenio ten natureza administrativa, quedando fóra do ámbito de aplicación, da Lei 9/2017, do 8 de novembro, de contratos do sector público de conformidade co seu artigo 6, e para calquera cuestión litixiosa que se derive do mesmo, será de aplicación a Lei 29/1998, do 13 de xullo, reguladora da xurisdición contencioso-administrativa.

Ambas partes comprométese a resolver de común acordo, ante a Comisión de Seguimento, calquera controversia que puidera suscitarse sobre a interpretación ou execución deste convenio. En caso de conflito, ambas partes acordan someterse á Xurisdición Contencioso-Administrativa.





DÉCIMO QUINTA. NORMATIVA APLICABLE

Para todo o non previsto neste convenio aplicarase o previsto na Lei 40/2015, do 1 de outubro, de réxime xurídico do sector público, así como na Resolución do 8 de abril de 1991 (DOG nº 82, do 30 de abril) pola que se fai público o acordo do Consello da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares, na Lei 1/2016, do 18 de xaneiro, de transparencia e bo goberno e no Decreto 126/2006, do 20 de xullo, polo que se regula o Rexistro de Convenios da Xunta de Galicia, en todo o que non contradiga a primeira.

E en proba de conformidade, as partes asinan o presente convenio na data da sinatura electrónica tomándose como data de firma a do último asinante.

Polo Instituto Galego de Promoción
Económica

Pola Asociación

D^a Covadonga Toca Carús

D. José Fernández Albores





ANEXO I

DECLARACIÓNS E AUTORIZACIÓNS

----- con DNI -----en nome e representación da Asociación con número de identificación fiscal -----

DECLARO, baixo a miña responsabilidade, que a entidade a que represento non mantén ningunha débeda nin obriga pendente coa administración tributaria estatal española e galega, coa Seguridade Social española nin coa Xunta de Galicia.

DECLARO, baixo a miña responsabilidade: que para os mesmos gastos acollidos ao convenio entre o Igape e a Asociación para o exercicio 2025, a entidade que represento:

- Non ten recibido ningunha outra axuda nin pública ni privada.
- Ten recibido as seguintes axudas polos importes que se detallan:

Organismo convocante	Data de solicitude	Importe solicitado (€)	Data de aprobación	Importe recibido (€)

DECLARO que as actuacións contempladas e realizadas na anualidade 2025 incluídas neste convenio entre o Igape e a Asociación foron as seguintes:

Descrición da actuación	Data e lugar	Importe total do custo da acción	Relación das facturas incorridas no convenio, incluíndo importes

Relación, mediante documentos oficiais correspondentes tales como facturas, nóminas, etc., dos gastos propios incorridos para o desenvolvemento das distintas obrigas que asume a Asociación, entre os que caben salientar, a modo de exemplo, os seguintes:

Concepto Gasto	Importe do gasto incorrido

Todos os gastos computables deberán ser xustificados mediante transferencia bancaria, certificación bancaria orixinal ou extracto de pagamento. Non se admitirán os pagamentos en efectivo.

DECLARO, baixo a miña responsabilidade, para os efectos de poder ser beneficiario das contribucións obxecto deste convenio, que os datos consignados nesta declaración relativos á conta bancaria aberta





ao nome da entidade a que represento son certos. A falsidade do declarado determinará a imposibilidade de percibir, de ser o caso, os dereitos recoñecidos no procedemento administrativo desde o momento en que se teña constancia da falsidade, sen prexuízo das responsabilidades penais, civís ou administrativas que procedan.

Entidade	Sucursal	D.C.	IBAN

A entidade comprométese a comunicar ao Igape calquera cambio ou novidade na información que pola presente se declara, a partir da data abaixo sinalada e ata a finalización da liquidación do convenio de referencia.

.....de.....de.....

Asdo.

